

歷代畫家詩文集

陸天錫詩集

台灣學生書局印行

新學社
PDG

薩天錫詩集

蘇子卿

PDG

歷代畫家詩文集

薩天錫詩集

明晉安謝氏小草齋鈔本
景印本精裝一冊

編纂者：元·薩都拉撰

出版者：臺灣學生書局

代表人：馬全忠

發行者：臺灣學生書局

台北市和平東路一段一五〇號
郵政劃撥帳戶二四六六號
電話：二一〇九七

定價新台幣一八〇元

中華民國五十九年六月景印初版
內政部出版登記證內版臺業字第〇八八四號

6005

版權所有・翻印必究

陸天錫詩集

五言古詩

國子監藏

宋

晉書

過池陽有懷唐李翰林

書

圖

書

我思李太白有如雲中龍
垂光紫皇案御筆生青
紅群臣不敢視射目目盡盲
脫靴手污襪蹴踏將
軍雄沉香走白兔玉環失
顏容春風不成雨殿閣
懸妖虹長嘯拂紫髯手撫青芙蓉
掛席千萬里遨遊江之東
濯足五湖水掛巾九華峯
放舟玉鏡潭五月秋浦中
羈懷正浩蕩行樂未及終
白石爛齒

齒貂淚濛濛神光走霹靂水底鞭雷公采石波
浪惡青山雲霧重我有一斗酒和淚灑天風

題焦山方丈壁○

江風入霜林寒葉下疎雨蕭蕭復蕭蕭可聽不
可數山僧亦好奇呼童掃行路到處覓秋聲肩
輿入山去

送吳寅甫之楊州○

青楊吹白花銀魚跳碧藻落日上江舡二月淮
南道漱漱春水涯悠悠雲樹杪安得快剪刀江

頭剪芳草

秋日病起池上

顧茲林塘幽，消此閑日永。
飄風辭萍踪，落葉散魚影。
天地風露涼，秋深藕花冷。
有懷無與言，獨立心自省。

題潭州劉氏姊妹二孀貞節

霍藤本同根，長大附高樹。
樹倒何所依，不離樹根土。
劉家好姊妹，嫁作儒家婦。
儒生逝不返，姊妹何所去。
憶昔嫁夫時，各願似偕老。
今日無所

滿

歸骨肉自相保一爐鑄兩鏡懸置東西窓窓前
主人去兩鏡復一霍衰哉衰哉劉二孀

早發黃河即事

晨牽大河上曙色船頭依依樹林出慘慘烟
霧收村墟雜鷄犬門巷出牛羊炊烟動茅屋秋
稻上壠丘膏新未及試官租急徵求兩河水平
堤夜有盜賊憂長安里中見生長不識愁朝馳
五花馬暮脫千金裘鬪鷄五坊市酣歌最高樓
綉被夜中酒玉人坐更籌豈知農家子力穡望

常充常

飢

有秋短褐長不
糲食長不周醜婦有子女鳴
機事耕疇上以充國賦下以祀松楸去年築河
防驅夫如驅囚人家廢耕織嗷嗷齊東州饑餓
半欲死驅之長河流河源天上来起下性所由
古人有善備鄙夫無良謀我歌兩岸曲庶達公
與侯淒風振枯槁短髮涼颼颼

寄朱舜咨王伯循了即休

元統二年秋八月僕與淮東憲副朱舜
咨廣東憲僉王伯循會于瓜州江風山

遊

月亭上過金山登妙高臺飲酒賦詩京
口鶴林寺僧了即休風雨渡江僧別少
年詞即休既城去舜咨伯循留廣陵
僕獨涉淮過河北人生聚散信如雲萍
倒指歲餘舊遊如夢向時舜咨有雨過
江色淨五字天趣妙發未克竟篇茲以
一字為一韻賦詩寄上舜咨伯循二前
輩鶴林主者了上人

木落淮南秋蘭橈泊江渚把酒三人同江亭看

青 幃

飛雨雨過江色淨妙景發天趣歷歷江南山一
一青可數。

大江湧金山穩若青蓮座山下有龍宮見水不
敢唾江山萬古同日月片帆過把酒妙高臺狂
歌醉相和。

飄飄鶴林僧布襪鞋雙長江飛鉢渡碧海魚
龍遠來作倡別楚雨鳴秋窓振錫獨歸去天花
飛滿江。

微茫楊子橋細雨濕秋色小艇載吳姬搖搖語

曉

相接風起布帆高一往不可得夜宿廣陵城吹
簫照明月。

霜高木葉空江清水花淨離懷江水深楚女晚
粧靚按拍聽歌聲點筇行酒令白露滿衣裳迥
野垂斗柄。

宿烏石驛。

雲起烏石峯雨洒紫溪嶺孤館如山深愁人覺
宵永燈花剪淩開風竹亂不整清晨度閩關南
斗落衣領好寫度關詩點筆題石笋

度閩關、

曉度分水嶺身在雲霧中手如天上捫聲落山
下風雷霆走澗壑神人過虛空頃刻開萬象赤
烏飛嶺東白雲下千峯盡入懷袖裏振衣度閩
關洒作山下水仰登天有梯俯視井無底古來
守關人盡作山下鬼寒食百草青春風吹不起
度嶺輿至崇安命棹建溪、

人生天地間馳馬歷大塊行樂湏及時流光逝
難再後役功名徒歷歷山水這偉哉東南區奇

險閩粵最車書四海同風氣一嶺界肩輿度層
雲手棹下急瀨四山抱迴流環合如束帶玉井
蓮葉漂仰面天作蓋條地丹峯前却在紫嶺背
微陰間雲霧踈雨洒杉檜深林樵牧歸落日山
鬼會雪瀑掛水簾林風奏天籟石梯架仙岩往
往遺骨在瑤草石上生丹藥市曹賣巍巍考亭
祠過客祠下拜溪水自成文上接洙泗派喚渡
雲門僧貌古清可愛手把青松枝跌坐溪石待
懸崖虹棧危插竹漁網晒山高人蟻旋下視舟

立芥輕狂類飛鯁宛轉亂石隘崢嶸龍角尖硯
碕龜首癩嗟呀激頽波出沒如水怪萬鼓搥地
雷三峽瀉汪洋峯蠻爭送迎奔走萬馬快箭過
耳生風開口不暇咳峭壁起衝流眈若巨鰲戴
上有舊題名歲久字剝壞豈無姓名存彷彿年
月載覽此前人踪徒為後人慨天氣易寒暄光
景倏明晦浩蕩三日程應接千萬態會登天柱
峯一覽宇宙大少吐胸中豪神遊八荒外題詩
贈山靈清氣留勝槩

寄鉛山別駕完顏子忠

我識顏別駕風度脩且閑
近持五色筆輝光動南蠻
甘飲石井水卧治鵝湖山
玉峯露洒洒風林珮珊珊
表表臺閣姿豈久州郡間
相思不相見可愛不可攀
海風夜月朗飛度七閩關

石上晚酌天章臺

晚涼上烏石置酒天章臺
夕日下山去海風吹月來
豪氣吐千丈朗吟動三台
白露洒仙掌銀河瀉金杯
誰識芙蓉仙飛身在蓬萊

高臺在層霄肩輿上絕壁露下酒樽涼月出海
門白坐拂衣上雲醉卧林下石西風吹髮毛南
斗在肘腋題詩向天閭奎光射瑤席

宿臺山寺絕頂

江白潮已來山黑月未出樹杪一燈明雲房人
獨宿近水星動搖河漢下垂屋四月夜深寒繁
露在脩竹

望鼓山

鼓山起千仞迺是東海垠蛟龍穴其下霹靂翻

海門砥柱儼不動日夜雪浪奔何當臨絕頂俯
視浴日盆

題汀州丁三溪知事卷

三溪會汀州上有仙人居乃是丁令威玉佩搖
瓊琚高秋下風露水清暎芙蕖華表慣聞鶴小
船開釣魚鑑湖風半曲賀老竟何如

夜興

午峯走晴雷風力吹邊雨層雲不成陰殘缺如
敗堵山深日易曛孤館孰賓主燈花翳復明落